

Na osnovu člana 35. Zakona o budžetima u Federaciji Bosne i Hercegovine ("Službene novine FBiH", broj 102/13, 9/14,13/14, 91/15, 102/15, 104/16, 5/18, 11/19, 99/19 i 25/22), i člana 112. Statuta Grada Živinice („Službeni glasnik grada Živinice“, broj 5/19 i 9/21), Gradsko vijeće Živinice, na sjednici održanoj dana 25.12.2024. godine d o n o s i

O D L U K U
O PRIVREMENOM FINANSIRANJU BUDŽETA GRADA ŽIVINICE ZA PERIOD OD
01.01.2025.GODINE DO 31.03.2025.GODINE

Član 1.

Ovom Odlukom uređuje se privremeno finansiranje Budžeta Grada Živinice za period 01.01.2025. godine do 31.03.2025. godine.

Član 2.

Privremeno finansiranje obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu. Budžetski korisnici ne mogu započeti nove ili proširene programe i aktivnosti dok se ne donese Budžet za 2025.godinu.

Član 3.

Gradski organi uprave i drugi korisnici budžeta mogu stvarati obaveze i koristiti sredstva za pojedine namjene do iznosa koji je utvrđen u budžetu za period januar- mart 2024. godine. Nastavljanje višegodišnjih projekata, nabavka roba i usluga, odnosno nastavljanje isplate sredstava za ove svrhe, dopušteno je u skladu sa uslovima privremenog finansiranja, s tim da je višegodišnje finansiranje ili ovlaštenje za buduće obaveze odobreno u prethodnim budžetima uz saglasnost Gradskog vijeća Živinice.

Član 4.

Izuzetno od članova 2. i 3. ove Odluke mogu se izvršavati rashodi i izdaci iz osnova unutrašnjeg i vanjskog duga do visine stvorenih obaveza, kao i rashodi i izdaci koji se finansiraju iz uplaćenih i prenesenih pomoći, donacija i prihoda za posebne namjene prema prijedlogu budžetskog korisnika.

Član 5.

Nakon isteka privremenog finansiranja u tom razdoblju ostvareni prihodi i primici, te izvršeni rashodi i izdaci uključuju se u budžet tekuće godine.

Član 6.

Za sprovođenje ove Odluke odgovoran je Gradonačelnik.

Član 7.

Odluka stupa na snagu danom donošenja, a objavit će se u „Službenom glasniku Grada Živinice“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
GRADSKO VIJEĆE
Broj: 06-04-8055/24
Živinice, 25.12.2024. god.

Predsjedavajući Gradskog vijeća

mr.sc. Nail Jusić,s.r.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
GRADONAČELNIK**

O D L U K A

**O PRIVREMENOM FINANSIRANJU BUDŽETA GRADA ŽIVINICE
ZA PERIOD 01.01.-31.03.2025. GODINE**

PREDLAGAČ : GRADONAČELNIK

OBRAĐUJE : SLUŽBA ZA LER, FINANSIJE I TREZOR

USVAJA : GRADSKO VIJEĆE

Živinice, decembar, 2024. god.